



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Број: Т20 0 КТКВ 0019130 20
Сарајево, 26.12.2023. године

SUD BOSNE I HERCEGOVINE
-sudija za prethodno saslušanje-

Na osnovu člana 35. stav 2. tačka i) i člana 226. Zakona o krivičnom postupku Bosne i Hercegovine, podižem:

О П Т У Ж Н И Ц У

protiv

KALABA LJUBOMIRA, [REDACTED] rođenog [REDACTED] 1957. godine u Bugojnu, [REDACTED] državljanina BiH i R Srbije, [REDACTED]

Zbog toga što je:

postupajući kao službena osoba u institucijama Bosne i Hercegovine, obavljajući poslove direktora u Uredu za veterinarstvo Bosne i Hercegovine (u daljem tekstu: Ured) [REDACTED]

[REDACTED], te kao direktor Ureda ovlašten [REDACTED]

[REDACTED], izuzetno, u slučaju hitnih mjera u javnom interesu, s ciljem odvratanja neposredne opasnosti po zdravlje ljudi odnosno životinja, izdaje obavezna uputstva [REDACTED], koja stupaju na snagu odmah, među kojima i ovlaštenja [REDACTED] navedene zakonske odredbe, prema kojima izdaje obavezna uputstva cjelokupnom veterinarskom sektoru i organizacijama,

znajući da [REDACTED] d.o.o. Posušje temeljem Ugovora o nabavci svježeg/ohlađenog goveđeg mesa bez kosti porijeklom iz Bosne i Hercegovine, [REDACTED] kontinuirano, pa i tokom mjeseca februara 2020. godine izvozi i prodaje robu-

svježe/ohlađeno govede meso u R Tursku, te znajući da ne postoji osnov za izdavanje navedenih obavezujućih upustava prema [REDACTED] d.o.o. Posušje, budući da prilikom provedenih veterinarskih nadzora i pregleda poslovanja ovog privrednog subjekta, koje je kao direktor Ureda mimo uobičajene prakse postupanja u Uredu u dva navrata usmeno inicirao, nije utvrđeno postojanje životinjskih zaraznih bolesti iz člana 6. stav 2. Zakona o veterinarstvu u Bosni i Hercegovini niti su utvrđeni drugi veterinarski razlozi koji bi ukazivali da navedena roba predstavlja opasnost po zdravlje ljudi odnosno životinja što bi predstavljalo osnov za izdavanje ovih obaveznih upustava, a o čemu je bio upoznat iz dostavljenog mu Zapisnika o provedenoj reviziji u objektu [REDACTED] d.o.o. [REDACTED] i dostavljenog mu Zapisnika o pregledu u objektu [REDACTED] d.o.o. [REDACTED], u kojim državni veterinarski inspektori Ureda nisu utvrdili postojanje ovih opasnosti niti predložili izricanje bilo kakvih mjera iz člana 86. Zakona o veterinarstvu u Bosni i Hercegovini prema ovom privrednom subjektu, a on i pored toga, svjestan da nisu ispunjeni zakonski uslovi iz člana 21. stav 2., u vezi stava 1. Zakona o veterinarstvu u Bosni i Hercegovini za izdavanjem obavezujućih upustava iz člana 82. stav 1. istog Zakona prema [REDACTED] d.o.o. Posušje i svjestan da će korištenjem ovih službenih ovlaštenja ovom privrednom subjektu pri navedenom poslovanju nanijeti materijalnu štetu, i htijući to, dana 13.02.2020. godine temeljem navedenih zakonskih odredbi izdao Uputstvo [REDACTED] o privremenoj zabrani izdavanja i potpisivanja veterinarsko-zdravstvenih certifikata [REDACTED] za odobreni objekat [REDACTED] d.o.o., na osnovu kojeg je Upravi za inspekcijske poslove [REDACTED], zabranio izdavanje veterinarsko-zdravstvenih certifikata [REDACTED] za odobreni izvozni objekat [REDACTED] d.o.o. Posušje, [REDACTED], veterinarskog kontrolnog broja [REDACTED], koje je stupilo na snagu danom donošenja, na koji način je ovom privrednom subjektu onemogućio izvoz i prodaju već pripremljenog svježe/ohlađenog govedeg mesa u R Tursku planiran na dan 14.02.2020. godine, u količini od 41.785,78 kg, da bi zbog trajanja navedene zabrane, i pored nastojanja [REDACTED] d.o.o. Posušje da u narednom periodu sačuva zdravstvenu ispravnost ovog mesa držanjem istog na odgovarajućem temperaturnom režimu, uslijed dužeg stajanja došlo do njegovog kvarenja, a od strane Veterinarskog zavoda [REDACTED] po ispitivanju uzoraka ovog mesa [REDACTED] utvrđeno da uzorci ovog mesa ne zadovoljavaju odredbe [REDACTED], zbog čega je u postupku neškodljivog zbrinjavanja kasnije i uništeno, na koji način je [REDACTED] d.o.o. Posušje nanio materijalnu štetu u vidu izostanka naplate ugovorene prodajne cijene/vrijednosti ove robe (bez PDV-a) u iznosu od 407.829,21 KM i plaćenih troškova upravnog postupka za otpis i uništenje ove robe u iznosu od 3.844,29 KM, što predstavlja štetu u ukupnom novčanom iznosu od 411.673,50 KM, da bi dana 09.03.2020. godine na osnovu istog i neizmjenjenog činjeničnog stanja, bez bilo kakvih izmjena uslova poslovanja [REDACTED] d.o.o. Posušje pri izvozu navedene robe u R Tursku u odnosu na uslove koji su postojali kada je izdao Uputstvo [REDACTED], donio Odluku [REDACTED] o stavljanju van snage ovog Uputstva.

Dakle, iskoristivši službena ovlaštenja direktora u Uredu za veterinastvo Bosne i Hercegovine svjesno nanio [REDACTED] d.o.o. Posušje štetu u iznosu od 411.673,50 KM,

čime je, počinio krivično djelo Zloupotreba položaja ili ovlaštenja iz člana 220. stava 1. Krivičnog zakona Bosne i Hercegovine.

TUŽILAC
TUŽILAŠTVA BOSNE I HERCEGOVINE